

特約撰述 香港新界風土名勝大觀 江山故人

(九一二)

(禁止轉載)

第三章 南部寫真

(十) 荃灣

由正峯北行。下降一小
時。可至觀音山。此處高約
一千六百英尺。距觀音山之
巔僅八十餘英尺耳。過此而
西北降。一小時許。抵上村
園。東行。經林村凹。進林
村洞而達大埔墟。亦需二小
時。計由荃灣登大帽山之巔
。轉下林村凹而往大埔墟。
全程需七小時。旅行若此。
可謂暢快矣。至若轉下林村
洞之梧桐寨。或下城門谷。
經鉛鑽凹而至碗窰洞。其趣
亦相等也。然此山既為新界
最大之山。則山深林密之處
。不無野獸藏匿。據已往之
港報所載。虎。蛇。山猪之
類。時有發現。草澤之間。

蛇類較多。著者亦屢見之。
旅行此山者。宜戒備之也。

① 汀九

汀九。一作登九。原名
獺狗。以其名不雅。遂改今
名。去荃灣之西兩英里。居
青山道之南。適為十一英里
路程碑之所在處。村居臨海
灣。曰汀九灣。南望鷄蹄門
馬灣島及青衣。後倚斜坡。
青山道臨其上。路側有徑二
。皆為下村之要道。村之西
。有獺狗山。高百餘英尺。
其脈出自清溪堂山。南伸於
海。上建洋樓一座。原屬前
南約理民府詹氏之別業。詹
氏回國。乃售與律敦治者。
村有居民百餘。皆為會戴二
姓。各立宗祠。先世居此。約
在清咸豐年間。村人以捕魚。

種菜。採程草為業。捕魚者。
在村東之海濱設網棚五六所
。魚來即起網。所獲多為沙
頭。芋頭仔。仔等魚。以
春夏間為最盛。程草每担售
二角餘。所得屯置海濱。運
售於香港各排船廠。以為烘
船之用。又有會廣昌菓園及
育才學校。育才學校點綴極
雅。門前有園地。綠陰四佈
。麗影扶搖。內有讀者十五
六人。悉為村中子弟。校之
左。有舊竹寮四五間。自此而
東。沿岸一帶。白沙銀然。
共有海濱別墅二十餘間。多
為外人所設立者。村前海灣
。本可游泳。惜當鷄蹄門之
衝。濤聲拍岸。潺潺不絕。
時有漁艇二三。泊於灣內。
稍有海角漁村之風趣。青

山道十一英里路程碑附近。
豎碑一方。題曰「修路碑記」
。為該村所立者。文云。竊
我做鄉僻處海隅。人貧智短
。所有村中橋路。欲整無籌
。不特做鄉之不便。即外人
來往。亦為之裹足。現蒙庵
大人施恩有自。澤及路橋。
身雖返國。猶有愛屋及鳥之
念。故特惠匯巨款。以資建
設。然庵大人雖鼎力幫忙。
猶賴諸君協助。茲值橋路落
成。做鄉無以為報。特勒碑
石。以為永遠紀念。是為引
。未署民國廿二年歲次癸酉
冬月吉日立。碑文非刻於石
者。恐日久即磨滅矣。

(未完)